

Полный сборник канонов и молитв святителю Николаю,
архиепископу Мирликийскому

Каноны Октоиха, восьми гласов

Г л а с 1

Начало канона см. 01 - Начало канонов.doc

Песнь 1

Ирмос: Песнь победную поим вси Богу, сотворшему дивная чудеса мущею высокою и спасшему Израиля, яко прославися.

Припев: Святителю отче Николае, моли Бога о нас¹.

Венцы украшаемь праведными, и престолу благодати предстои, Николае, иже песньми ты ныне венчающая верно, присно спасай молитвами твоими.

Иже благодать прием исцелений, всеблаженне Николае, души моея язвы молитвами твоими исцели и находящих искушений избави мя, молюся.

Слава: Крепкою Николае твоею молитвою, всеразслабленную душу мою прегрешеньми исцели и жития злостых избави мя, молюся.

И ныне, *Богородичен:* Ума моего омрачение, Всенепорочная, светом Твоим отжени и тьмы вечнующая избави мя, яко да пою всегда величия Твоя.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

Песнь 3

Ирмос: Да утвердится сердце мое в воли Твоей, Христе Боже, Иже над водами небо утвердиди второе и основавый на водах землю, Всесильне.

Первосвященников удобрение, благоухание Божественного Духа, мированными твоими молитвами злосмрадныя страсти отжени сердца моего, Николае мудре, любовью, молюся.

В лености скончаваю мою жизнь окаянный и боюся страшнаго Твоего судища, Христе, на немже не посрами мене, Николая ходатайствы священными умолен бывая.

Слава: Преиспещрен Божественною благодатию, святителю Николае отче, от различных искушений и бед спаси прибегающия в кров твой присно, всеблаженне.

И ныне, *Богородичен:* Избави мя от всех напастей, и от многих соблазнов змиевых, и от вечнаго огня и тьмы, Всенепорочная, Яже свет рождающая нам

¹ Этот припев повторяется перед первыми двумя (или тремя, если есть третий) тропарями канонов святителю Николаю, в каждой песне.

невечёрний.

Моли́ Бо́га о нас, святителю́ о́тче Никóлае, я́ко мы усёрдно к тебѣ прибега́ем, ско́рому помо́щнику и моли́твеннику о душа́х на́ших.

Господи, помилуй. (*Трижды.*)

(Если по 6-й песни читается акафист, то перед седальнами читаем кондак и икос.)

Седален, глас 1

В Мíрех живы́й чу́вственно, святителю́, я́ко мíром разу́мным духо́вно яви́лся еси́ пома́зан, о́тче Никóлае, и мíры чудѣс твои́х облагоуха́л еси́, мíро приснотеку́щее пролива́я, мíрными твои́ми благоуха́емыми пѣсньми и па́мятию твоёю.

Слава, и ныне, *Богородичен*

Проро́цы Тя я́сно провозвести́ша, Отрокови́це, Ма́терь Бо́жию, и апо́столи Божѣственнии в мíре проповѣдаша, и мы véровахом. Тѣмже вси, благочестному́дренне почита́юще, воспева́ем Тя и Богоро́дицу вои́стинну при́сно имену́ем.

Песнь 4

Ирмос: Ду́хом провидя, проро́че Авваку́ме, Словесѣ воплоще́ние, проповѣдал еси́, вопи́я: внигда́ прибли́житься лѣтом, позна́ешися; внигда́ приити́ вре́мени, пока́жешися. Сла́ва си́ле Твоѣй, Господи.

Я́ко всех повелѣ́ний Бо́жиих исполнѣ́тель, о́тче святителю́ Никóлае, соблюда́ти поспешѣ́ нам моли́твами твои́ми, я́же на земли́ законоположе́ния, ко спасѣ́нию веду́щая, и изба́ви всех напáстей находя́щих.

Тече́ние твоѣ сконча́в преподо́бно о Христе́, пу́ти на́ша исправи́, я́же к Немú, о́тче богоно́сне Никóлае, я́ко да убежа́вше безпу́тнаго блужѣ́ния, ко спасѣ́тельному дости́гнем соверше́нию.

Слава: Иже вся ко́зни вра́жия успѣ́в Божѣственными бодросты́ми, Никóлае премúдре, бдя́щих и Бо́га воспева́ющих и тебѣ́ ходáтая к Немú предлага́ющих, всех нас о́тче облагодати́.

И ныне, *Богородичен:* Разу́мѣв проро́к Ду́хом Бо́жим, го́ру Тя приосене́нную преднаписа́в, Чи́стая, иста́явшия знóем мно́гих прегрешѣ́ний Твои́ми благоприя́тными ходáтайствы, Богоро́дице, ны́не прохладѣ́, и благодати́ю.

Моли́ Бо́га о нас, святителю́ о́тче Никóлае, я́ко мы усёрдно к тебѣ прибега́ем, ско́рому помо́щнику и моли́твеннику о душа́х на́ших.

Песнь 5

Ирмос: Свѣтлы́й нам возсия́й свет присносу́щный, у́тренюющим о судьба́х за́поведей Твои́х, Влады́ко Человеколю́бче, Христе́, Бо́же наш.

Во дворе́х Господ́них насажде́н, святителю́ о́тче Никóлае, и я́ко плодови́тая ма́слина, благодати́ю умаща́еши ны́не всех лица́ елее́м трудо́в Твои́х.

Мольбу́ ны́не сотвори́, о́тче Никóлае, о рабѣ́х твои́х, я́ко да оставле́ние согрешѣ́ний при́мем и от одержáщих ско́рби изба́вимся и вся́кия тесноты́.

Слава: тебѣ молимъ Никóлае, благаго ходáтая ко Гóсподу: не остави нас, свѣте, безъ заступлѣнiя, но обычною твоєю моли́твою спаса́й.

И ныне, *Богородичен:* Световидный Христовъ храме, Отроковице Богоблагодатная, моли́твами Твоими, Отцѹ, и Сыну, и Дѹху, и нас храмы сотвори, преподобная содева́ющих.

Моли́ Бóга о нас, святителю óтче Никóлае, я́ко мы усердно к тебѣ прибега́ем, скóрому помощнику и моли́твеннику о душа́хъ на́ших.

Песнь 6

Ирмос: Проро́ка Ио́ну подража́я, вопио́у: живо́т мой, Бла́же, свободи́ из тли и спаси́ мя, Спа́се ми́ра, зову́ща: сла́ва Тебѣ.

Име́яй мно́жество щедро́т, Христе́, мно́жество мои́х зол отжени́ моли́твами Николáя, окормля́я мою́ жизнь, волна́ми греха́ обурева́емую при́сно.

Кре́пко врага́ попрáл еси́, му́дре, егóже сокруша́ти и нас твоими́ моли́твами укрепí, Никóлае, тобо́ю предста́телемъ Божественнымъ обогатившихся.

Слава: Иже ми́рянномъ бывъ первосвятительъ и́стинный, облагоуха́й на́ша чу́ства душе́вная, óтче Никóлае, и вражду́ющия на ны злосмра́дныя стра́сти отгоня́й при́сно.

И ныне, *Богородичен:* Вели́чия Тебѣ, Чи́стая, сотвори́ Христóс, Егóже моли́ при́сно возвели́чити в нас богáтыя Его́ мило́сти, Богоблагодатная.

Моли́ Бóга о нас, святителю óтче Никóлае, я́ко мы усердно к тебѣ прибега́ем, скóрому помощнику и моли́твеннику о душа́хъ на́ших.

Гóсподи, помíлуй. (*Трижды.*) Слава, и ныне.

Кондак, глас 3

В Ми́рехъ, свѣте, священноде́йствительъ показáлся еси́, Христовóво бо, преподобне, Ева́нгелие испóлнив, положи́л еси́ дѹшу́ твою́ о лю́дехъ твои́хъ и спасл еси́ неповíнныя от смети. Сего́ ра́ди освяти́лся еси́, я́ко вели́кий тайнникъ Бóжия благода́ти.

Икос

Воспо́им ны́не святителя́ пѣсньми, ми́рскимъ лю́демъ па́стыря и учите́ля, да моли́твами его́ просвети́мся: се бо яви́ся чистъ весь, нетлѣненъ дѹхомъ, Христу́ принося́ жéртву непоро́чну, чи́сту, Бóгу благоприя́тну, я́ко святительъ, очи́щенъ и душе́ю и тѣломъ, тѣмже сый и́стинно Цѣркве предста́тель и побóрникъ сея́, я́ко вели́кий тайнникъ Бóжия благода́ти.

(Если читается акафист, то кондак и икос читаются по 3-й песни, перед седальнами.)

Песнь 7

Ирмос: Сѹщимъ в пещи́ отроко́мъ Твои́мъ, Спа́се, не прика́снѹся, ниже́ стужи́ огонь. Тогда́ три́е, я́ко еди́ними усты́, по́яху и благословля́ху, глаголю́ще: благословѣнъ Богъ о́тецъ на́шихъ.

Рачи́тельною моли́твою твоєю́, му́дре, се́рдца моего́ утверди́ глѣзне извѣстно

на ка́мени Бо́жих за́поведей пресвѣтлых, спаса́я непре́менно, Нико́лае, от кова́рств па́костных злонача́льнаго врага́.

Разреше́ние нам мно́гих грехо́в испроси́, се́тей житѣйских и ну́жных и искуше́ний вся́ческих находя́щих, свяще́нне Нико́лае, всех ве́рных засту́пниче и святы́телей основа́ние.

Слава: Иже сокрывы́й раб лука́вый тала́нт, егѡ́же в де́лание благовосприе́м аз есмь, и бою́ся та́мошняго суди́ща, на нёмже, Судие́ Бо́же всех, не осуди́ мене́, моле́ния ра́ди свята́го Никола́я.

И ны́не, *Богородичен*: Тебе́, Всесвята́я, Пречи́стая, раби́ Твои́ всегда́, во дни и в но́щи мо́лим сокруше́нною мы́слию, прося́ще избавле́ния грехо́в на́ших да́ти Твои́ми моли́твами, Чи́стая.

Моли́ Бо́га о нас, святы́телю о́тче Нико́лае, я́ко мы усѣ́рдно к тебе́ прибега́ем, ско́рому помо́щнику и моли́твеннику о душа́х на́ших.

Песнь 8

Ирмос: Егѡ́же ужа́саются Ангели и вся во́инства, я́ко Творца́ и Го́спода, по́йте, свяще́нницы, просла́вите, о́троцы, благослови́те, лю́дие, и превозноси́те во вся ве́ки.

На горе́ стоя́ Божѣ́ственных добродѣ́телей, конце́м зна́емь чуде́с высо́ких, Нико́лае, яви́лся еси́ показаньи́ми. Те́мже всяк язы́к почита́ет тя во вся ве́ки.

Вкуси́в, преподо́бне, Божѣ́ственныя сла́дости, го́ресть возненави́дел еси́ страсте́й и сласте́й. От ни́хже нас изба́ви, моля́ Христа́ востаю́щия бе́ды утоли́ти.

Слава: Я́ко столп непоколеби́м и утвержде́ние ве́рных, при́сно мя коле́блема житѣйскими зло́бами и бесо́вскими дохнове́нии укрепи́, всеблаже́нне Нико́лае, моли́твами твои́ми.

И ны́не, *Богородичен*: Уврачу́й, Пречи́стая, стра́сти се́рдца моего́, ро́ждшая всех Врача́, и пра́ведных ча́сти яви́ мя прича́стника, Де́во, Христа́ умоли́вши.

Моли́ Бо́га о нас, святы́телю о́тче Нико́лае, я́ко мы усѣ́рдно к тебе́ прибега́ем, ско́рому помо́щнику и моли́твеннику о душа́х на́ших.

Песнь 9

Ирмос: Светоно́сный о́блак, в о́нже всех Влады́ка, я́ко дождь с небесе́ на руно́, снѣде и воплоти́ся нас ра́ди, быв Чело́век, Безнача́льный, велича́ем вси я́ко Ма́терь Бо́га на́шего чи́стую.

Я́ко Христо́ва святы́теля, я́ко светоза́рную звезду́, я́ко чуде́с самоде́йственника, я́ко исто́чника исцелѣ́ний, я́ко су́щим в ско́рбех помо́щника, я́ко изба́вителя тепле́йша призыва́ющим тя в беда́х, о́тче, восхваля́ем пе́снями свяще́нными.

Тя па́стыря вели́каго и подража́теля во всем нача́льнаго Па́стыря Христа́, приле́жно мо́лим, Нико́лае: от высот́ свяще́нных упаси́ рабы́ твоя́ и избавля́й от всех житѣйских напа́стей всегда́.

Слава: Уже́ коне́ц приближа́ется, что лени́шися, о душе́ моя; почто́ не тщи́шися Бо́гови благоуго́дно пожити; потщи́ся и возникни́ прѡ́чее и возопи́й: Чело́веколю́бче, ущѣ́дри мя, Никола́я моли́твами окормля́я мою́ жизнь, я́ко Благ.

И ны́не, *Богородичен*: Я́же Свет ро́ждшая Божѣ́ственный, омраче́ннаго мя все́ми прило́ги лука́ваго, и во уны́нии живу́ща, и прогне́вающа Бо́га, просвети́,

Всепорочная, и настави к добрым деланием, яко вина сущи всех добрых.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

Окончание канона см. 14 - Окончание канонов.doc